

Д Ö Р Л Д Ä Н Т Ö Г С В

Сентябрь сарин туршарт маан республикин райодар багъ наста футболистир дунд ВЛКСМ-н таньгъчин комитетин мөрән төлө кегч дөрлдэм болв. Район болгън багъ наста футболистир дунд дөрлдэ кегъад, сән футболистириг шалгъдж авцхар. Эн болсн дөрлдэнд 16-с авн 18 куртл наста футболистир орлцхав.

Омниъ болхла. эн дөрлдэнд сургъульчир орлицг билэ. Эн джил багъ наста футболистирин сән наад шинджлхин төлэ, республикин спортивн обществосин болн организацин ницанэ Совет болн ВЛКСМ-н таньгъчин комитет, дөрлдэнд сургъульчирта хамдн багъ наста кбдлмшчир, колхозникүд болн үүлд церглачир бас наадулхмн гидж зөв өгв. Тер учрар, эн джил болсн футболин дөрлдэс йир ик соньмджта болн бахмджта болв.

Улгүрнэ, Яшалтинск района багъ наста футболистир Приютна командиг шүүгъад, хоша бääсн Западн района командла гертән наадцхав. Западн районд футболд ик оньг өггдг учрар, колхоз, совхоз, школ болгън эврәннэ футболн сән командмудта. Болв, эднэ спортивн гардачир ик сана зүүсн учрар, сән футболистирән эдн дарук болх наадид «ярвлэд», Яшалтад ирхларн, дундин наадг багъчуд авч ирэд, амр диилвр кехяр седцхäv. Түрүн бдр болсн наадн хам болв, маньгъдуртнэ шинэс болсн наадн бас хам болдж төгсв. Эн хойр хам наадсна хбөн наадиг талдан газрт кех учр болв. Тегэд эн хойр команд хоорндк кех наадн Сальск района Романовка гидг селэнд кегдх болдж батлгдв. Болв эн наадид Башантан футболистир өс ирсн учрар, диилвр Яшалтан командд өггдв.

Яшкульск района багъ наста футболистир Черноземельск района командиг, Целинн района команд— Приозери райониг, Сарпинск футболистир Юстин района командиг шүүцхäv.

Эн нааддин хбөн дөрлдән улм гүдв. Элетин команд Целинн районд оч наадад, ик диилвр барэд, дарук наадан Яшалтад оч кев. Элетин багъ

наста футболистир эн наадид ик өргмджтэгъяр наадад, 5:1 тоотагъяр шүүгъад, мөрән товчлч наадид орлцх зөв авб.

Сарпинск района команд Каспийскд оч наадх бääсн, болв эдн ирцхәсн уга. тер учрар, Каспийск района багъ наста футболистир бас мөрән товчлч наадид орлцх зөв авцхав.

Октябрин 4-д, Элетин стадионд эн хойр команд хоорид мөрән товчлч наадн болв. Наадна түрүн брәлднэ 1:0 тоотагъяр Элетин команд шүүв. Хойрдгч брәлин өклид каспийск футболистир сән дävрлгъ кегъад наадиг хам тоота кев. Болв наадна чилгчәр элстихн дакад хойр мяч покдж орулад, 3:1 тоотагъяр диилвр күцв. Наадна хбөн, диилсн командт мөрә өгхин өмн, ик буру, ичр уга йовдл үзгдв..

Элетин командт 19-тә Громов Валерий футболист наадсн бääдж. Спортивн обществосин болн организацин ницанэ Элст балгәсна Советин ачлач үр Рапопорт эн кбвүнд 18-тә гисн цаас кегъад, äмт меклхәр бääдж. Болв мекнэ илдгдв, тер учрар, Элетин команд авх мбрәгәсн хагъцв.

ВЛКСМ-н таньгъчин комитетин мөрә Каспийск района багъ наста футболистирт өггдв.

Кен гемтäv? Наад шүүсн Элетин багъ наста футболистирий, аль эднә гардач Рапопорт болхий?

Эн наадн амрдг бдрлә болсн бийнэ, стадионд йир цбн күн хурв. Учринь — хама чигн наадн болхин тускар өс зарлгддж. Стадиона директор Воронцов келнә: «билет хулдад мбнэг оясн болхла. би зарлх билäv, бнэгяр болджах наадиг би зарлцгов».

Хамг эн тоот буру йовдлмудиг спортивн обществосин болн организацин ницанэ республиканск Совет болн ВЛКСМ-н таньгъчин комитет халәдж шалгъх зөвтә.

Н. МАДЬДАН.